

հատուածին ծանօթութիւն ունեցած է (տե՛ս The Epistles of St. Ignatius, by Stawley, էջ 50):

բ) Ս. Ծննդեան աստիճան արանդորիւնը ըստ Ս. Յակոբայ Մծբնայ հայրապետին. — Մծբնայ հայրապետին (Դ. դար) անուշով մեր ճառընտիրներուն մէջ կը տեսնուի ճառ մը «Յաղագս աստեղն եւ մոզուցն եւ մանկակնց Բերդնհեկի» խորագրով, ուր Ս. Ծննդեան աստղին աւանդութիւնը աւելի ճոխացած է և նկարագրութիւնը աւելի իսկատիպ եւ նկարագարդ: Աստղին հետ կը պատկերանան Ս. Կոյսը և մանուկն Յիսուս՝ թագազարդ և մոզերու ընծայաբեր երկրպագութիւնը: Ան կը գրէ. «Կը կարծեմ թէ այն գիշերը երբ մեր Փըրկիչը ծնաւ, մոզերու բոլոր գունդերը կը տեսնէին կենդանակերպերը, գիշերուան պահուն կը զիտէին եւ կը խորհէին թէ ի՞նչպէս, ո՞ւր և ե՞րբ պիտի երթան. այն ատեն Աստուած վառեց իր լապտերները և անոնց նոր աստղ մը երեցաւ. անոնց գացած տեղերուն մէջ կային ըստ կարգի գնայուն աստղեր, տեսան լուսափայլը որ կը գուշակէր մեծ թագաւորին ծնունդը, կար նաև ուրիշ ուռկան մը որ գանոնք կ'ըմբռնէր. այն աստղը որ մեծ էր տեսիլքով և լուսովը փառաւոր, երեւելի ծագումով եւ հրաշալի կերպարանքով, զարհուրելի բոցով, բորբոքելի կրակով և զարմանալի տեսակով, չկար անոր նմանը, որովհետև մոզերը կը տեսնէին Ս. Կոյսը շատ զարմանալի կերպարանքով և սքանչելի տեսիլքով, որ կը բազմէր աստղին մէջ և հրաշալի Մանուկը կը կրէր իր գրկին մէջ, եւ բացավառ թագը Մանկան գլուխը դրուած(*): Անոր տե-

(*) Այս գեղեցիկ եւ խորհրդաւոր խօսքը, ինչպես նաև ուրիշ մա-